

EDEMA di JOGN dai 31 de agost ai 6 de setëMBER 2015:

le Grup decanal y les Sorvisc ai jogn Val Badia enviëia en **Lönesc**, 31/8, dales 19:30 a Oies, S. Mëssa de daurida ciantada dai SYN, festa de comié da Siur Pire Irsara y benedisciun dl pulmin nò di Sorvisc ai jogn.

Mertesc, 1/9, dales 19:30 tla chidlara da Roncac/Al Plan, torneo da chidlé y carté

Mercui, 2/9, dales 19:00 tl parch di jüch sot le lift "Piz La Ila", spaghetada cun film alaleria (tl cajo de bur tēmp, vëgnel fat tl local di jogn da La Ila)

Jöbia, 3/9, dales 20:00 tla palestra a S. Martin de Tor, sëra da bal cun la poscibilité da imparé figöres nöies

Sabeda, 5/9, prozesciun da Oies a Porsenú, sön les pedies de S. Ojöp Freinademetz. An pëia ia dales 3:00 da doman a Oies por ruvé dales 17:15 a Porsenú. Poscibilité da gní pormez sön trú (06:15 a Seres, 10:15 Halshütte dô Börz). Le cost por la cëna tl seminar y le bus da Porsenú a Oies é de 20€. Les iscriziuns vën tutes sö te Sorvisc ai jogn Val Badia cina al mertesc, ai 1. de setëMBER tratan l'orar d'ufize.

Düc, nia mâ i jogn, é inviá a tó pert y se mëter sön trú tla oraziun!

Domënia, ai 6/9, a Antermëia, S.Mëssa de conclujiun, festa dl paisc d'Antermëia, incuntada di grups musicai di jogn dla Val Badia.

Conzert dl Cor Kèrygma y dl grup Die Schmeichler: chësta dumënia ai 30.08.2015 dales 21:00 tl salf manifestaziuns dla Ciasa J.B. Runcher a Badia y en mertesc a Corvara dales 21:15. Düc é dër bel inviá!



En mertesc, ai 01.09.2015 complësc **Claudia Irsara Pitscheider** da Oies **83** agn, en jöbia, ai 03.09.2015 **Enrico Pizzinini** de Costa **80** agn y en vëndres, ai 04.09.2015 **Paul Frenademetz** da Oies **90** agn. L'Seniorenclub y düta la Comunité ti aoda düT l'bun, sanité y benedisciun de Dì.

Jun a pé cun l'KVV: inviun düc ala gita da *Ratschings – Gilfenklamm – Kalch – Gasteig* en mercui, ai 02.09.2015. Piun ia da Pedraces dales 08:00 y al é da se prenoté pro laco al nr. 0471/839772.

Relaziun sön i profugs Ladins tartan la Gran vera inier y incö: le Museum Ladin Ciastel de Tor inviëia düc en vëndres ai 04.09.2015 dales 20.30 ala relaziun dal titul „I profughi di ieri ed i profughi di oggi“ tl contest dla mostra **“1914–1918. Al de la de vigni confin. I Ladins i conta sia storia”**. La relaziun sará tl Museum Ladin a San Martin cun Leonhard Voltmer responsabl y espert dla Caritas sön i profugs.



Usc dla Cüra

BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 40

Edema: 30.08.– 06.09.2015

Vangele dla Domënia che vëgn - XXIII° ann „B“

(Mc 7,31-37)

In quel tempo, Gesù, uscito dalla regione di Tiro, passando per Sidone, venne verso il mare di Galilea in pieno territorio della Decàpoli. Gli portarono un sordomuto e lo pregarono di imporgli la mano. Lo prese in disparte, lontano dalla folla, gli pose le dita negli orecchi e con la saliva gli toccò la lingua; guardando quindi verso il cielo, emise un sospiro e gli disse: «Effatà», cioè: «Apriti!». E subito gli si aprirono gli orecchi, si sciolsse il nodo della sua lingua e parlava correttamente. E comandò loro di non dirlo a nessuno. Ma più egli lo proibiva, più essi lo proclamavano e, pieni di stupore, dicevano: «Ha fatto bene ogni cosa: fa udire i sordi e fa parlare i muti!».

Und sie brachten zu ihm einen, der taub und stumm war, und baten ihn, dass er die Hand auf ihn lege. Und er nahm ihn aus der Menge beiseite und legte ihm die Finger in die Ohren und berührte seine Zunge mit Speichel und sah auf zum Himmel und seufzte und sprach zu ihm: Hefata!, das heißt: Tu dich auf! Und sogleich taten sich seine Ohren auf und die Fessel seiner Zunge löste sich, und er redete richtig. .



FUNZIUNS SACRES

30.08. XXII. DOMÈNIA dl ANN / B

- 10.00 Mëssa por la Comunità
18.00 †to Vijo Castlunger - aniversar
†ta Nane Pitscheider Piccolruaz - aniversar
†ti Rosina y Florino Tavella – aniversar
†to Friedl Valentin

31.08. Lünesc

- 19.30 **a Oies:** S.Mëssa de daurida dl'Edema di Jogn

01.09. Mertesc - S.Egidio / De dla Sconanza dla Creaziun

- 20.00 †ta Anna Tasser / por les animes dl purgatore
ad intenziun a s.Ujöp Freinademetz

02.09. Mercui

- 07.30 †ta Maria Pitscheider da Ruac
†to Paul Pedratscher
por fam. Eduard y Nina Tavella

03.09. Jöbia –

- 20.00 †to Gottfried Burchia / †to Michele Crepaz
†to Luti Vittur

04.09. Vëndres – Prüm vëndres dl mëis

- 07.30 †ta Teresa Pescoll
por fam. Paul y Maria Frenademetz en rengraz.
por les animes plö arbandonades

05.09. Sabeda

- 16.00 Mëssa a Oies

06.09 XXIII. DOMÈNIA dl ANN / B

Domènia di Ss. Angeli Custodi

- 10.00 Mëssa por la Comunità
18.00 †to Franz Pitscheider - aniversar
†ta Rosina Declara Pizzinini - aniversar
†ti jogn: Christoph Irsara (aniv.), Helmuth Castlunger,
Davide Pitscheider, Gerhard Pescoller, Guido Pizzinini,
Daniela Pescolliderungg, Daniela Nagler, Giovanni Irsara,
Gualbert Messner y Manfred Moling




Dala VITA dla CÛRA

Prüm de setëMBER: “De de Sconanza dla Creaziun”

Chesc de é gnü protlamé sciöche gran mumënt de punsé ala bela Creaziun, por mantegní la vita y la natöra, sciöche gran scincunda de Chêlbeldí, ch'al toca da sconé de vigni vers.

Al é ince n invit a fá n sforz implö por ciaré dl ambiënt.

En chësta ocasiun oressi ince dër rengrazié la Rita de Corcela, che coltivéia n beliscimo urt y nes scinca dër tröc de bi ciüf por fá bela nosta dljia düt l'isté. Ince n lalt a nosc mone Bruno che sá da fá de beles composiziuns sön i altá.
Siur Degan



En domènia, ai 23.08.2015 á ciafé **l'Sacramënt dl BATO** l' müt **Fabio** de Federico Pucciarelli y Elena Irsara. Al pice che tolun sö cun ligréza te nosta comunité cristiana y a sü geniturs tröpes ligrézes.

La proscima preparaziun al Bato sarà en sabeda, ai 19.09.2015 dales 15:00 a La Val,

Consèi de Cûra: al se abina en mertesc, ai 01.09.2015, do mëssa da sera, por baié dandadüt sura l'Edema dla Fede dai 19 ai 25 de otober.

Comuniun ai amará: ala ti vëgn portada en vëndres, ai 04.09.2015 (prüm vëndres dl mëis) dales 09:30 inant.

Pelegrinaje: i 3 grups dl K.V.W. dl Comun de Badia inviëia al pelegrinaje de 2 dis al Santuar „Madonna di Barbana“ a Grado (GO) ai 22 y 23 de setëMBER, acompagná da Siur Degan. Le prisc, düt stlüt ite, é de 140 Euro (+ 10 € por i nia scric ite tl KVW). Le program cun informaziuns y poscibilité de prenotaziun ciafëise da Iaco Clement 0471-839772.

Recordun bel sëgn che: ai 21.09.2015 sarál l'De dla Comunité cun na santa mëssa sö Pre Comun y ai 18.10.2015 la Festa di Iubilars de Matrimone.

Conzert: i cors Kyrios & ProVoXis adüm al'Orchestra Val Badia inviëia a dui conzerc de müjiga sacra en vëndres, ai 04.09. dales 20:30 te dljia da La Val y en sabeda 05.09. dales 20:30 te dljia de Badia. Direziun de Bruno Rives y Andrea Tasser y al sará da aldí les solistes Clara Sattler y Elisabeth Schuen.